

宋詩紀事補遺

宋詩紀事補遺卷之三十九

歸安陸心源伯剛父輯

喻汝礪 厲有

草堂詩十二首

閑把烟光次第陳
岷峨風物見精神
翻成錦綉千般樣
供與江山幾口春
深屋長河元老大
蛾眉曼綠却逡巡
從公乞取無邊手
免作詩中半箇人

從交日日敞窗扉
嫌怕風光入眼遲
剩買芒鞋供看竹
趁乘春雨去栽橙
苦無賓客僧來後
薄有生涯鶴下時
聞道隣翁酒初熟
新筍一酌莫相遺

遠嶼曲洲縱復橫沙邊繁鳥弄簫笙一軒簷冷松陰
合十里林香藥草生路轉斷楂逢石坐風移深竹見
僧行晚來冲抱更清曠時有幽人帶月耕

翠木搖艷溪之灣游子失氣生愁酸誇力搏虎筋骨
絕雙流迸巘道路難布衾多年窘夜雨土銼無火啼
夜餐一生忠義老寂寞旋燒竹葉供春寒

詩人以來誰者王建安元嘉無此翁維摩壁畔不到
處伽梨角邊無限風孟郊空敖但彭越何晏片田非
虬龍先生住處在何許我亦不知西北東

朝元閣邊瑤草芳惟君之故遙相望人歸後雁關塞

阻思入南鳬離夢長懸知同心兩相憶賸欲共看千里光金輿玉輦不復見腸斷華清雲樹蒼

竹外清踈浸碧溪溪邊竹澹煙雨霏閒看雪嶺題詩罷醉西郊信馬歸霄漢直愁雙闕迥夢魂長着五陵飛故園秀水又春色只恐歸去池臺非

錦官城西春草芳杜陵客子憂思長浴晴晚樹淡浮淥臥水幽花深度香交情憫憫燕阻舊國迤迤雲山蒼白蘋洲渚落日晚明邊正銜歸雁行

浣花四月天氣和絲舟翠旂樂莫過離人千里起遙怨緩棹一曲浮靈波惠風曇曇泛衡杜流望演演逾

關河終然有懷春復夏歸去灞漣眠汀莎

支策翳然林水間蕭疎神韻淡風煙滄浪亭畔各分
手杜宇聲中恰一年自昔風人裁一骨於今捫郛亦
么絃試看堂上百千海餘子浮漚却未全

成都文類

過府學遂謁文公堂

綠荻負幽隱高槐泛輕涼各媵一時好披風互低昂
詎知五月中微陰颺催黃我行魯侯宮獨謁文翁堂
若人骨已朽道在斯不忘遂令蜀文章照耀日月傍
世事俱腐臭斯文真久長靡顏能幾時蕭條翳墟荒
富貴豈不好千載同一傷三歎過泮宮撫已涕自滂

登正法宮塔

踈雨洗空闊高標插青冥携筇一來登長笑謝所撓
清芳翔遠江丹氣舒翠岷雪嶺浮夏白海雲亦遠青
孤花要危芳初篁羅新榮手容五十里颯杏爲我陳
陵坻潏變遷物狀幾屈信念往思自遠感來屢彌臻
傷哉千里心嗟爾百代人胡爲軫其德戚戚勞所營
吾請以此辭歸來巖下耕

游西臺院暑雪軒觀石鏡

城中苦伊鬱茲軒獨高褰連甍動參差錯畦橫阡眠
雪嶠政孤峙若與我周旋遠翠浮蕩瀆輕鳴下聯軒

密竹冒幽逕新蒲澹清漣初游愜餘懷旣久幽念攢
慨彼泉下人灼灼夸令顏忽焉墮榛莽窈窕不可援
一鏡空復情況乃塊石頑哀哉彼愚子婉孌情所牽
差勝茂陵公更詠方士言

游嚴真觀支機石而壁有記古鼎丹砂茅事
古木其幽意長廊亦蕭如於焉聊逍遙且復散衣裾
塵慮颯已空道心頗閑舒不知度世人去此歲幾徂
云何有丹砂尙爾留庭隅支機亦悠哉誰復訂有無
我知此公意慨彼元鼎初繼之五鳳間斯民斃刀鋸
聊欲謝世網歎以道自娛抱獨理自會曠懷遺所拘

初匪逃世人而世自我疎含默念斯人起我憂思餘
成都文類

仙鶴樓

果爲山中州叢攢少年地斗下金泉峯十里掃空翠
岩岩金泉峯望望朝復夕淒冷雨中樹曠朗雲外石

上馮左丞

捫膝來爲普慈守先生懸車在林藪
以上輿地紀勝

雲臺望鶴亭

江山有英氣草木多秀拔仙聖之所廬著眼盡現傑
輿地紀勝

宿錦屏山暮景

暝色輕煙照郡城
漁舟燈火倒觀星
寒山遠水江村暮
自在粧成水墨屏

同上

下巖寺二首

徑向山腰轉門從水面開
片雲巖下宿一鉢朔方來
落日烏衝樹輕雲花覆苔
惟應荔枝熟時躡白雲回
路暗松杉密天空霧雨開
山容依檻轉鳥影渡江來
汲水僧歸寺啣花鹿印苔
年年蠶麥熟貧道啜齋回

萬縣志

郭忠孝

字立之洛陽人樞密達之子受易中庸于程子
著易說號兼山先生以父任補武秩登進士換
文資靖康初爲軍器少監改永興軍路提刑金
人入寇與經略唐重分城拒守城陷死之見宋
史忠義唐重傳

贈吳德夫

雲霄拂衣早幽意滿江湖天地英聲在風流何代無
屬辭還兩漢垂釣合三吳倚棹傷今古長歌擊唾壺
與呂微仲范彝叟登福山寺

夾路東西花欲燃羣仙携傍翠微巔空階遍撒金蓮

火虛殿高燒寶篆烟禪寂靜談支遁後道源眞悟伏
義前尋僧未及鳩蓮社且共青樽石榻連

寄懷張元德秘書

良覲睽違數載餘故人踪跡近何如春秋藉子發精
義周易慚余無特書山閣停雲愁絕處屋梁落月夢
回初何時共剪西堂燭尊酒論文剪野蔬

宋詩拾遺

李炳

靖康時人

弔危翁一

南鄉老人危翁一歲晏雨晴扶杖出驚聞二聖塵再

蒙歸闔柴門哭三日眼空愁絕聲遂止里人唁翁翁
死矣凜然生氣申包胥萬古千秋葬忠義

福建通志
忠節

唐恪

字欽叟錢塘人以蔭登第欽宗時累官戶部侍郎
拜少宰兼中書侍郎金人立異姓署名仰藥
死宋史有傳

夢野亭

雲夢澤南古景陵登臨聚景在幽亭幾重洪湛陂湖
綠萬疊陰陰桑柘青

輿地紀勝

賀允中

厲有

題石橋

敢祈方廣現危梁千古燈燃共此光聊試茶花便歸
去杖頭挑得晚風涼

天台別編

史彭永

北宋時巴州別駕

巴州

巴人最重上元時老稚相携看點詩行樂歸來天向
曉道傍聞得喚蠶絲

輿地紀勝巴人元宵三夜兒童皆唱巴音徹曉名喚蠶絲

李宗道

北宋時興安府幕僚

萬春洞

何山鑿出洞崑深置屋懸崖映竹林像設金園崇梵
宇壁間石室塑觀音接天遠岫巍千古跨澗飛虹映
百尋極目憑欄多少景一回到此一寒心 興安府志

李公異

字仲殊丹陽人號後湖居士北宋時人見嘉定

鎮江志

北固樓

北固橫江盡東南第一州六朝都在望回首倦登樓

花山魏公園

當年花草徑滿目舊林亭無復東山妓空門苔蘚青

萬歲樓

萬歲名虛得興亡已屢移樓頭秋夜月當只似當時
朱詩拾遺

句
潤州

海門礙日山雙聳江北迎人樹幾行

趙宗德

北宋時知廣西藤州

九日宴浮金亭

東山樹何青青。鐔津水何泠泠。茂樹可蔭。流水可聽。
眉山夫子能解事。却于水邊樹下。構危亭。洪波浴日。
金錯落。瘴雲不雨。烟濛漠。風塵溷洞去。天遠草木蒼。
鬱。知地靈監州。爲愛黃華節。攜我登臨。邀眾客。假令
有酒多似藤江水。豈能洗我胸中之鬱抑。甘侯昆玉
文武全傾。蓋交遊五情熱。故人亦有許判官。清政平
生心似鐵。文采風流。喻幕賓。曾陪驄馬。清南越。劉君
元是徽省郎。治民有道多籌策。令簿懷才亦不羣。芳
名皆在斯文列。儒林龔魏兩茂學。逸氣直與青雲接。
孟嘉落帽是何年。岸幘西風感前哲。天荒地老事茫

茫白髮無情滿頭雪醒時飲醉時歌尊前要使衰顏
配不飲奈此清興何人生聚會能有幾江海親舊今
無多

廣西通志勝蹟

杜善甫

南宋初濟南名士

有掌兵官遠戍其妻宴客竟夕笙歌感賦

高燒銀燭照雲鬢沸耳聲歌徹夜闌不念征西人萬
里玉關霜重鐵衣寒

宋詩拾遺

王雄

靖康中以斬獲逋卒進官見橫塘集

游碧落洞

其愛溪山景尋源到幽處昔賢有遺銘羣僊歷眞馭
斷續猿狖嘯縹緲雲霞度清泉堪濯纓徘徊忽歸去

韶州府志

錢岳

嵩城

袁公築壘吳江口癡置猶存扈瀆名先駐孤軍防險
地已將癡將假陰兵濤吞海岸喧鼙鼓雲台江天擁
旆旌豪傑不將成敗論千年青史見忠貞

上虞縣志

麻革

字信之貽溪入金刻大觀本草有序題歲乙酉
不署大定年號當是宋人入金而不仕者

阻雪華下

愛山久成癖得山真雋永太華隔風塵五年夢幽境
傳聞十丈蓮擬扣玉仙井雪花忽迷漫蒼巔墜昏暝
蹇予世緣深方外久自屏意是希夷君俗駕疎造請
行行風撼林稍稍雲度嶺雲間三峰面隱約露芒穎
初如灩汙堆屹起勢奔猛斬如倚天劍萬仞鐵花冷
烟霞半明滅瞬息變光景乃知造物心相哀亦相警
歸鞭晚忽忽回首心耿耿浩歌夜深寒孤月掛峯頂

陝西通志

張茂

四川新津人商英子

五峯巖

五峯巖竇倚層巒乘興登臨到此山泉石靜中無俗
客樓臺深處鎖禪關凭高林野依稀盡望瀾雲天繚
繞環回首夕陽歸處路紅塵隨馬轉溪灣

湖南通志
山川

王徵

臨安主簿

題謝康樂石門作

吾聞永嘉守□□□□心勝跡若猶在雲澗清且深
綠蘿自蒙密白日易森沉□□松篠□石門□登臨
碧潭映千丈瀑布飛□□秋雨□微□暮煙生長林
□□□皇華□□往來□偶爾□唵箋遺風尙□□
悠悠歸路長戀戀惜餘芳□動□水興茲焉安可忘

栝蒼金

石志

荀完

太平令

重興寺

門前春挂一壺山修竹喬松不可攀落盡桃花無覓

處應隨流水到人間

黃山志

周振

揚州海陵令

護國寺

碧雲紅樹萬山秋
躡磴攀蘿徑轉幽
斜日荒荒巖際下
細泉淺淺寺前流
蕭梁賜額名猶在
石塔藏碑字尚留
千載廢興真夢幻
清燈夜雨思悠悠

宋詩拾遺

齊術

湖南祁陽令

句

零陵太守吟情逸惟過浯溪未有詩

與地紀勝祁陽令齊衡送永州守柳公拱辰歸闕
衡送至白水夜夢一儒衣冠者曰我元結也今柳
公遊浯溪無詩而去子盍求之覺而心異之遂獻
書於公云云

馮晦

字處道英德人

南山留題

南山之景幽且清臺亭上下知幾層王吳妙手寫不

得若非造物其誰能

廣東通志
金石略

韋謙

節度使

題常樂寺五雲堂

吾匠慕先哲至理皆融通一法果有至五雲凝在空
講香侵棐几夜月鏤簾櫳弋者何由預冥冥出塞鴻

嘉禾志

鄭望之屬有

建炎丞相成國呂忠穆公退老堂詩

熙陵嘗賦釣魚篇意屬磻溪舊作傳

國史呂正惠公參政因曲屢大

宗賦賞花釣魚詩云欲餌金鉤深非達磻溪須問釣魚人意屬正惠未幾拜平章事

治世代天

今六相中興扶日跨羣賢

本朝呂氏入相者正惠公端文穆公蒙正文靖公夷

簡申公公著汲公

已栽桃李滿天下更卜林泉占海

大防暨公

邊不似東山携妓女一觴一詠度長年

一從奉得去年書報道江山已定居

乙卯春奉鈞翰云每讀杜詩曠

老真無事江山已定居

□□□□□□□□□□輞川圖君

臣終始如公少將相聲名自古無何日雍容陪杖履
松風山徑竹籃輿

陸節

北宋人

湍川

從來魂異產天涯士物人風分外嘉願寫湍川川上
景興君傳入鳳池誇

句

翠珍苔封韓令句古祠巫降伏波靈

輿地紀勝

趙恆

游裴公亭

昔年曾此遠風塵盤谷烟霞每見分
萬里江河還壯觀一時冠蓋屬元勳
海鷗春暖眠沙草遼鶴秋高度嶺雲
今日重來倍惆悵草堂應是勒移文

溶溶春水碧生池上相臨觀許從隨
萬姓歌呼喜遊豫幾人出處佩安危
雨餘空谷雲歸早風滿長林鳥下遲
笳鼓明當摧曉發柳烟花露溼旌旗

懷慶府志

宋雄飛

太清觀

易
春光老難消夏晝長問囚傷道氣嚼句療饑腸
殿古苔痕澁壇高檜影涼黃冠誰可語試與辨亡羊

澤州府志

郭士道

首陽山行

首陽山青巖嵒上聳紫蓋凌瑤空下周林壑盤蒼龍
嵒峩自太古崒嶺鎮寰中黃河西來遶其下日夕雲
氣開鴻濛恍疑鬼神護又似丹青工諸峰不敢並蒼

翠光玲瓏我生癖性愛山水見此奇絕摩雙瞳忽憶
武王收諸夏夷齊叩馬來山東風雲變化適際會恥
逐龍虎爭奇功歸來守巖穴鬱鬱抱孤忠朝采山上
蕨暮拾山下蓬渴飲澗中水熱眠雲外松既不學赤
松子又不侶商山翁丹誠耿耿照白日勁節凜凜摩
蒼穹首陽青青萬古色不改夷齊之心胸直與天地
相始終千載扶名教二子功無窮我歌首陽歌采歌
冷然八表生清風

山西
通志

李師聖

遊五臺感神燈示現

梵書五頂清涼府冬冰夏雪無炎暑我來七月秋正
寒何況蕭蕭巖谷雨偶爾雲開照氣生溶溶滿目烟
光聚眞容古基驚峯寺高山之麓雄今古西方樓觀
縹渺間粲然金碧蓮華宇懸崖峻嶺加大木神物所
持憑險阻金瑞垂空殿簷響森森鐵鳳相交舞憶昔
文殊出火宅金剛寶窟通眞士牽牛老人飲玉泉二
子一犬隨貧女變化無方饒益情如是西天七佛祖
重間清涼境界眞無窮陳跡書妙語我有誠心頗出
羣瑞應神奇目親覩須臾光相現咫尺玉洞金燈明
可數松影搖空山谷中夜寂太陰隱龍虎丹樓碧閣

香案前敬畏生心誰敢侮從來昏迷如夢迴前三後
三慎莫取我今不作前後想香烟稽首清涼主

清涼山志

丁帶

吳山縣

瀟灑吳山縣居民近百家孤城連阜起小市枕溪斜
土潤宜栽竹泉甘好試茶公餘無一事何處息紛華

陝西通志

王淵亭

廣勝寺

春嶺碧嵯峨公餘載酒過紅塵隨地少野意近山多

泉溜寒鳴玉楊花碎剪羅歸衫未能着斜日上松坡

山西通志

李見素

送天柱先生

閒馳風馭恣飄飄因失仙班幾度朝紫閣舊憐秦樹
老赤城新別海山遙飛鳬又說春經嶽叱橘曾令夜
探潮不是桃源不歸去故人多半在烟霄

洞霄詩集卷二

姜正

游枋口

山如削玉水涵秋人在冰壺月底遊劫火半空塵世

換不知此處幾登舟

懷慶府志

袁藏雲

魏侯故城

獨向餘陽翠靄行杖藜徐步恰吟情長河漫有懷山

迹故國空傳謠畔名遠樹半遮千木廟斷雲猶鎖魏

侯城可憐列土繁華地祇是寥寥作釣耕

山西通志

孫翥

裴公亭

太行王屋羣峯上秦晉關河望處分猿鶴幾年懷舊
隱乾坤百戰重儒勳龍歸洞府春將雨僧過浮橋曉

度雲萬里中原無事日不妨尊酒細論文

懷慶府志

春日遊盤谷

旌旆朝驅入翠微東風閑訪故山薇金龜換酒留僧
住白鶴穿雲伴客歸月影坐移棲鳳竹泉聲靜繞釣
魚磯中原那似開元日得學巢由遠是非

懷慶府志

孫景文

堯廟

帝廟乘山勢巍巍古栢中治雖爲日遠仁尙與天同
堂陛嚴遺像川原隱舊風時時有靈異此語出田翁

山西通志

孫渤

石勒城

巖律山峽間有地窄如掌雖得百二謀礲礲非沃壤
胡雛姿相異圖慮似不廣如何蟻封微欲作南面享
孤城出雲層遺址尙千丈我來一把酒慷慨追昔往
崛起亦奇才晉室方骯髒敢與南陽公逐鹿中原上

山西
通志

文紳儀

遊靈巖

一入靈巖寺凭欄望遠遙山深雲障日江濶夜生潮

古洞遺仙跡流泉傍石橋醉來搔首詠得句興偏饒
陝西通志

曹量

廣勝寺

駐車長道莫加鞭得到幽藍頓豁然千仞嵐高晴聚
翠萬年枝老莫生烟滿窗夜到天涯月一枕秋深海
眼泉自是寂中有真趣如何瀟洒不忘筌
山西通志

高昌

登洪慶觀河亭

霜旄行郡試尋幽一曲圍垣遶縣周山色迎人來

嶓河聲驚夢撼黃流禹門水迴鄉關月濟廟烟連草
樹秋遙指天南嵩洛近烟雲何處望神州

山西通志

胡明善

祁山堡

臥龍扶漢室躍馬阨秦原星落干戈死山空雲鳥存
昏鴉啼古戍秋水咽孤村愁讀出師表淒淒傷我魂

陝西通志

胡理

滄浪詠

昔聞滄浪亭未濯滄浪水先賢眇道跡壯觀一何侈

飛橋跨木末巨浸折胡壘糟床行萬壑繚牆周數里
廢興固在天庶用觀物理緬懷嘉祐世周道平如砥
相君賢相君子美東南美如何一網盡禍豈在故紙
青蠅變白黑作俑茲焉始所存醉翁文垂耀信百世
無忘角弓詠嘉樹猶仰止同來二三子感歎咸坐起
縹緲酌新汲毀譽均一洗忽逢醒狂翁一別垂二紀
雋哉老益壯論事方切齒我欲裂絳帳推著光明裡
安得上天風吹落君王耳

吳都
文粹

雷臨

王官瀑布

區區奔走漫華巔一別王官十四年綠玉峽中噴白

玉漑田澆竹滿平川

山西通志

吳資

合肥懷古

三首

合肥一都會世號征戰地我來值明時不識兵革事
曹公教弩臺今爲比丘寺東門小河橋曾飛吳主騎
幼度提晉師胡卒驚鶴唳城外軍屯壘可數不可計
至今風雨夜鬼哭雜異類

輿地紀勝

程忘吾

字自修洛陽人

痛哭

日射石虬鱗甲開草色又換青春回精靈聚散豈拘
東山鬼叫呼松柏哀當時沸天簫鼓動今日悲風陵
上來忽忽古今成傳舍人生有情淚盈把乾坤誤落
腐儒手只遺空令當汗馬西晉風流絕可人悵望千

秋共瀟灑

見忠義集

中義集孝友好讀書翰林元裕之上其言行除禮
部郎中自修聞而遽此詠洛陵也公洛人必嘗親
履陵闕故傷感如此宋因腐儒誤國猶西晉
以清談誤國偉哉雄論可爲宋戒

皇甫韶

和詣禱祈雨

路盡山尤勝溪深水愈豪寺樓今不見依舊五峰高
山西通志

楊謨

琵琶泓

晉城出郭十里餘嫩柳山花滿巖麓蒼苔蹭蹬步亦
艱百丈懸崖掛層屋老僧正睡門不開習習陰風起
幽谷耳曠不聞琵琶聲但見一泓春水綠

過李長者故居

方山百里路崎嶇按部因尋長者居伏虎已歸天女
去隴頭新見萬松株

以上山西通志

潤州

帆檣共天遠樓觀與雲平
山閱三分國江橫十萬兵
輿地紀勝

朱詩紀事補遺三十九男侍讀銜內閣中書樹藩校

宋詩紀事補遺卷之四十

歸安陸心源伯剛父輯

明不虧

題畫山水扇

淋漓戲墨墮毫端
雨溼溪山作小寒
家在嚴陵灘上
住風煙不是夢中看

失題

故鄉深落落霞邊雁斷魚沉二十年
寫盡彩牋無寄處
洞庭湖水闊於天
以上藏海詩話

李中立

凌雲臺

山圍平野四迴環天迴臺高眼界寬雲漏殘陽明遠
岫濤翻急雨漲前灘一川勝趣四時好千里雄風三
伏寒誰見凌雲清絕處夜涼空翠溼闌干

山西通志

新若通

廣勝寺

吾黨登臨興亭高眼更明雲深山斷續川闊路縱橫
突兀媧皇塚荒蕪簡子城古來那可問林外晚風生

山西通志

薛慨

字書倉南康人爲南海書記職滿入廬山築室
曰薛處士山堂後起諫議大夫未幾復乞歸有
題壁詩

句

重來問院靜喜對故山青

江西詩徵

朱乘

南渡初人

雁

八月新霜岸草枯數聲哀怨雁來初憑君試向沙汀
看恐帶匈奴二帝書

與地紀勝朱乘雁詩高宗皇帝聞之嘆曰此人頗有愛君之心

王玠

字介玉蘄州人高宗初孔彥舟謀叛玠開陳百端罵賊不屈爲彥舟所害

題楚辭

忠臣遭放逐委質湘江沈空餘離騷辭萬世蒙賞音我今未忍死終有報國心扣闥且無路寫作哀怨吟

輿地紀勝王烈士諱玠字介玉自長沙徙居鄂携文謁黃魯直深加賞嘆贈詩云滿袖清風偃人意見君詩與字俱清孔彥舟爲蘄黃鎮撫使招致之俾請于朝有旨拜公迪功郎鎮撫使司幹辦公事會彥舟謀叛公開陳百端彥舟不聽公入罵曰逆賊萬段彥舟并公家屬沈之龍眼磯公嘗題楚辭

云云君喜讀楚辭又以沈死無乃詩之言歟

王投

建炎元年知新城縣

三學院

精藍本是真人宅疊嶂今名釋子山綠樹不妨丹鶴
下白雲常伴老僧間無風葉任秋蟬翳積雨庭多石
蘚斑儒客坐來除俗態暮鐘飛出望歸還

新城志

李傳正

建炎初淮南轉運使

通山

我愛道羊好居民山作城眼前無俗事枕畔有灘聲
我愛通羊好回環雲水間重巒與疊嶂真是翠屏山
我愛通羊好清無一點塵峭山多洞戶樵牧識仙人
輿地紀勝

王綯

字唐公建炎初御史中丞累官資政殿大學士
左中大夫提舉臨安府洞霄宮歷參知政事

建炎丞相成國呂忠穆公退老堂詩

尙父風猷襲後昆復生賢相紹高門白麻懇避公孤
黃□□□□□□□□鉉乍從觴詠樂山樊□□□

□□□名終始追前哲美播青編望益尊

巨力曾扶國步安功成猶未鬢毛斑天心正祐宋無
極人意詎容公久閑裴令縱能娛綠野謝公可是老
東山何當鼓躍輕千里款奉清談宴俎間

天台別編

劉光

字襲明仙居令建炎元年以朝散大夫知台州

題括蒼洞宮

古洞蒼真不計年翠崖蒼壁故依然怪來一夜清無

夢身在仙家第十天

天台別編

題南峰藍光軒

百尺擎空宰堵波羣峯奈此獨高何鼓鐘鳴處是非
外天地望中蒼翠多閑看野雲披玉柱醉眠秋浪捲
銀河問師乞取窗前月一榻清風許我麼

天台別編

陳剛

四川井研人第進士建炎初爲晉原尉遷羅江
丞以母憂去紹興十六年投匭上書論恢復事
疏入上諭秦檜令除郎官檜不樂乃言剛資歷
未深乃以左朝奉郎充湖北路提舉常平司幹
辦公事秋滿代歸遂不復仕

碭山懷古

山名芒碭勢穹崇漢祖嚴祠翠靄中紫氣應時騰碧
落素靈何處泣秋風狐鳴陳涉孤墳壞金盡梁王石
室空畢竟乾坤歸有道漫誇扛鼎力英雄

碭山縣志

陳剛中 厲有

憂勞

暨陽古澤中今歲仍大水舟行民田中一浪四十里
農夫相對泣父子飢欲死酷吏亦何心誅求殊未已
豈繫竭膏血直欲剝膚髓哀此無告民有生皆赤子
天災自流行助虐亦何理我愧才術疏陸陸佐小壘
熟視不能救有淚空自灑皇心念下民惻怛形詔旨

王言既諄復象魏幾黃紙要須盡蠲除仰稱德意美人微言或棄歸休從此始

江陰縣志

毛達

廣西富川人建炎二年進士

題靖節祠堂

地僻柴桑古人亡松菊存不如彭澤吏歸去有田園
與地紀勝

胡舜舉

字汝士徽州績溪人舜陟弟建炎二年進士紹興中知建昌軍治本忠恕不輕以刑辱加民箚

有盱江志

顏魯公祠

立廟本來皆可紀凜然英烈殆天啟年垂八十官太
師平生所欠惟死爾分廿一死鴻毛輕舉世俗子何
由嗔誰知我公本不死眉閒生氣猶崢嶸堂堂十老
皆人傑逢辰遇合稷與契儼然玉立配我公忠義文
章兩奇絕我來摩娑讀豐碑扛鼎筆力猶精奇定應
神物常護持勁直千載垂良規

重刊麻姑山志

鄧杵 厲有

姜公輔墓

布衣崛起秉洪鈞料事當年若有神三尺孤墳封馬
鬣一時直道犯龍鱗從容未見回天力流落空聞棄
海濱賴有高人秦處士不妨築室作居鄰

福建通志

焦煥

六安人建炎二年進士煥素履貞介與弟炳讀
書武陟山建炎戊申赴試宿旅舍主婦失金環
爲僕所獲旣行數日煥覺之欲歸其人或以試
迫告煥曰婦失物必疑左右捶楚急則赴水投
繯忍以一第誤一命哉竟歸還之因塲屋災得
覆試遂舉第一時諺曰不得南方火怎得狀元

焦弟炳是年亦舉武科第一其後裔流寓太平

遊虎邱

尋勝訪幽刹招朋泛遠舟清風楊柳畔微雨菱荷秋
師去餘禪幾雲閒動客愁無緣陪玉麈共醉碧山頭

虎邱志

俞處俊

字師郝新淦人建炎二年進士居母喪未及仕
而卒善詩載台壁事類所著有老圃集

句

叫月子規喉舌冷宿花蝴蝶夢魂香

新淦縣志人物

張憲

建炎二年知南昌縣

玩鞭亭

畸鳥壓營營作聲紅光紫電圍金鉦黃鬚小龍馬上
嘯白日饑豺夢裏驚老奴怒擲珊瑚枕追兵起合疏
璃井巴馬東歸疾似風道旁口糞如冰冷健兒空玩七
寶鞭荆臺老姥空誰傳

蕪湖縣志

彭從虎

建炎二年文林郎主管勸農上士

題淡山岩

竹苞未剪山雖幽福庭勝概難窮搜天公念此久閉
塞密召五丁詒厥謀巽維一夕啟邃竇光圓甕牖端
相侔方牀翠屏廣羅列藥臼香山深挾鏤道人振錫
蟒潛遁處士化石岩中留訓狐昨夜又鳴報果是今

朝五馬游

零陵縣志金石

詹慥

字應之崇安黃村里人建炎三年舉鄉科晚調
信豐尉後張浚辟爲屬著有文集二十卷

桐江弔子陵

光武親從血戰回舉朝誰識渭川才黷熊果有周王

卜未必先生戀釣臺
崇安縣志

閻孝忠
厲有

寄彬守阮戶部

郴陽古名邦四座拱山色秀氣鍾異人闐闐儼仙宅

過石門

不辭遠作瀟湘客且入三仙洞裏來

遊東山寺

橘柚人家黃壓帽松篁僧寺翠爲鄰

俯春亭

城上危亭可摘雲四邊山色翠爲鄰下窺城郭無餘

蘊草色花光盡是春

袁氏書堂

賢如贈扇揚風日貧似開門臥雪時

以上輿地紀原卷五十七

過孟玉

字號不可考爲無錫過氏始遷祖本淮西和州太溪村人宋徐王棣選爲郡馬配逍遙縣主建炎己酉扈高宗蹕南渡

再扈從游小山二首

中官促召走雙驂詔許從游聖澤覃
厯覽仙山瞻閣徑行禁籞識龍潭
萬方寧謐宜遊豫一曲昇平樂

宴酣淺薄承恩愧無補願歌風雅繼周南

仙閣峩峩紫翠凝蓬萊樓觀喜重登杪櫺樹老當金
殿靈壁峰高倚玉繩輦路苔深龍螭古瀛州風靜海
波澄分明記得經行處曾侍君王到上層

梁溪詩鈔

蘇遲

字伯充轍之子宋史附見轍傳

建炎己酉冬自婺女携家至臨海歲首汎舟
憇天柱精舍謁吳君文叟山林感泉石之勝
歎城邑之人沈酣勢利不知山中之樂也

列嶂崢嶸植翠屏寒泉綠淨浸軒楹衣巾清潤玻璃

上窻牖疎明圖畫成塵世正趨名利域山居不識鼓
輦聲莫年憂患將何適暫喜滄浪可濯纓

天台別編

晁公爲

字子莫補之子也建炎三年七月除倉部員外

郎要錄四年以朝奉大夫直顯謨閣知台州見赤

城志御舟次章安來朝行在除直顯謨閣

要錄

題慈雲院雙松亭

雲間龍蹻千尋幹地底雷奔萬仞泉寄語廬山舊遊
客箇中端不減棲賢

劉阮洞

桃花間已繁溪水濺濺去不見持盃人自歎來何暮

天台
別編

王從道

夔州歌簡晁子西

白帝夔州萬古城全蜀東門下相控瞿唐灩澦勢嶄
絕赤甲白鹽光潏洞峽雨關雲朝暮征烟葉水花洲
渚共少陵冥冥滅光輝山川草木今誰諷明知風物
待組織可笑可笑浪嘲弄逸亭野老泛舟來回立蒼
茫遊覽縱旋提燕拂呵物象試吐清音激鸞鳳江頭
一見晁廣文客裏倡酬無乃奉天生之子映昭代與

我突出萬人眾古來道合事襟期有作正須行
下瞰一隅會萬景豈無江靈爲供送請君作詩如畫
畚收拾形容未宣空

夔州府志

汪任

號鳳山居士鄱陽人建炎四年知英州

遊南山右丞蔡公彌年寓居此山山之多石
奇怪萬狀幽探博訪靡不提拂鄱陽汪任適
守是邦擬昌黎格作古詩六十韻以紀其事
其言曰

潁陽富佳致無以過南山山高雄地理萬丈親雲

攀援臨絕頂氣象非塵寰神存古廟貌臺敞舊軒欄
青石生龍文凜凜常風寒縱目四無際陡覺天地寬
直北二江合水勢中分灘灘橫水亦轉曲折束成灣
羣峯自西來險絕如函關中虛左梵剎地勝苾芻安
梵修祝聖壽額自九重頒旁有石一障高下數畝間
或列如屏風或大如僊壇或立如駐馬或走如奔驅
或側如虎臥或曲如龍蟠或嚴如衛吏或羅如星官
或偃如老人而枯其形顏或儼如端士而正其衣冠
或雄如雲霞重疊而聚攢或湧如波浪攣屬而奔湍
或傾而復舉如獵而獸跼或騰而不下如射而禽翻

或先後相續如朝赴金鑾或參差不齊如兵方結圓
或平爲几案而可羅杯盤或突出巋岸而或垂釣竿
或背若相惡或向若相歡或聲若磬響或色若豹斑
或累而成塔或砌而成鞍或疎而分散或密而彎環
或巧而非怪或鈍而非頑雖偶不爲配雖單不爲鰥
雖近不相狎雖壓不相殘有室可居佛有龕可煉丹
有洞可休息有巖可躋攀爽氣自有餘蒸嵐不相干
乾坤所開闢斷厠非斧剗遊者可意得名狀不易殫
通天與三峽若是烏能班今時無王維睥睨措筆難
靜想瑤池僊豈不停翔鸞又疑桃源客步虛潛往還

我有英賢樂冥搜思不慳題名或賦詩鳩工妙手刊
惜哉歲月久幾至遍圯漫山僧不好奇仁者興嗟嘆
爰有老僊翁尋幽獨忘餐塵土盡去除林木間自芟
特道方寸地舊耕同一觀小亭翼其上遊居興不闌
於此或圍棋縱橫勢萬般於此或煮茗江心汲澄瀾
於此或燕坐塵慮一切拌誰知得真趣消此白日閒
勝槩益增重清爽彌駢闐山石雖無情似有待而言
又况隱君子寂寂初無傳或隱於仕祿或晦于巖泉
知音一提拂豈與山石肩堯舜吾君民勲業垂萬年

定光室

古有如來號定光百年真相爲重裝
面前湧出香爐石欲使人燒無盡香

同上

熙熙亭

中天未復舊山河春日同民強一過
草草杯盤等閑置愁多易覺醉顏酡

根輞岳

高巖古木根如輞輞壤無根何處尋
下有唐人元僊記讀之聊足慰登臨

臨清龕

地闢仙龕小亦奇龕前長瀉碧琉璃我來恰似陶彭
澤覽景濡毫便賦詩

煮茗臺

石梯千級杖藜行行到山腰足暫停旋汲靈泉煮佳
茗渴心滋潤困魔醒

寒翠亭

疊浪千堆霰雪寒澄淵百尺瑠璃翠江皋更展石屏
風特爲幽亭助嘉致

謹案以上七詩俱在英德南山此刻無年月亦
無書人姓名據其署號鳳山與定光室詩同則

亦汪任作也

廣東通志
金石略

雪山院

乘輿挈舟到雪山松篁門徑望中寬翻思我佛修行

處景物雖殊道一般

廣東通志
古蹟

曾統

南豐人肇之子建炎四年廣南東路提刑

繫年要錄

後官左朝請郎充秘閣修撰權徽州終諫議大

夫宋史附見肇傳

建炎丞相成國呂忠穆公退老堂詩

黃閣重來迹已陳東山高臥趣還新塵埃偏仄人間

世風月虛間物外身得意漁樵方共樂忘機鷗鳥自
相親聊將玉鉉調元手散作郊園萬木春

退老堂前花木深功名擺落事幽尋烟霞嘯傲平生
計風雨旃幪四海心歲晚松筠無改色春歸桃李舊
成陰行瞻衮繡回東路蕙帳空餘夜鶴音

天台別編

侯彭老厲有

建炎丞相成國呂忠穆公退老堂詩

姓名已冠凌烟閣杖履初臨退老堂任重晉公遊野
綠放懷忠獻醉安陽園林選勝規模遠立壑偷閒氣
味長借箸更資恢復策始應歸此樂時康

扶出離明一浣光
凜然忠義合穹蒼
天教世祖中興
漢人脈汾陽再造唐
道大耕莘同至樂
功成釣渭踵
遺芳身為天下安危寄
未許清閒事退藏

天台別編

姜光彥

厲有

賞心亭

樓外青山刮眼明
軒窗當暑更風清
地分南北開天險
江泛東西幾客程
四者難并同醖宰
一之已甚厭
戈兵畏憐夜夜秦淮月
相伴依然似友生

景定建康志

思杜亭

十里松陰古道場
一亭還復枕瀟湘
詩翁至死憂唐

室野客於今弔耒陽窗戶雲生山雨集巖湫花發曉
風香不唯臨眺添惆悵自是年來鬢已霜

清泉縣志

莊綽厲有

建炎丞相成國呂忠穆公退老堂詩

力辭富貴回天上不事樓臺起宅中問道但懷重舍
蓋對優甯興獨延崇精神宛侶初平蔡信宿那應久
在東帝念中興思舊德未容高枕北窻風

康執權厲有

建炎丞相成國呂忠穆公退老堂詩

退老堂前席未溫天書夜列領侯藩周褒申伯保南

土唐起裴公護北門猿鶴豈應愁舊隱虎豹方看擁
華軒公家報政來達仁入延英觀帝尊

公居臨海亦經年每恨淹留阻執鞭異縣忽聞登帥
闕此身那得侍賓筵古今誰似功名老出入榮持將
相權從此鳳池歸路駛未容雁蕩奉周旋

天台別編

相公嘗約同遊雁蕩

王資仁

建炎時朝奉郎通判邵州軍權知永州軍州事

題淡山巖

淡山之景眞尋幽我來爲款窮冥搜嵌崟軒豁自呈

露天匠巧，豈非人謀？撐空突兀，幾千仞奇偉萬狀，不可眸羣仙祕護，人迹絕元柳不到，誰雕鏤惜無好語寫形似嘆息欲去仍遲留惟予六客信心賞一洗萬古崖中游

零陵縣志金石

句

三到濱州不賦詩溪山應笑懶吟癡

輿地紀勝

陳□諒

建炎時宣教郎簽書道州軍判官廳公事

題淡山岩

我聞淡山之岩深且幽嵌空邃竇堪尋搜禪龕剝落

氣尙古龍象□徙初誰謀神仙窟□信有□功出天
造非人侔沅穢礫硤駭未見石壁字隱苔侵鏤山靈
疇昔莫□祕巨蟒豈得於中留吟來珠璣重滿把我
幸蠟屐欣重游

零陵縣志金石

任約

建炎中通判巴州

閬州

塵外分明一錦屏南樓相對競崢嶸却緣造化生來
別不信丹青畫得成

輿地紀勝

巴州西龕

門徑森寒栢小橋穿作□澄江朱檻北晚照碧崑□
修架清泉逗高楠邃□□虛廊面青壁危棧跨□□
絕頂舒平席遙峯□□□□俯星斗襟袂□□□
□路春膏浹□□□歲二月灋
金石苑
迷嶺猿缺谷下缺

李惟德

建炎中以岷州來歸遷榮州刺史

老人岩

絕巘稜層面勢尊老人岩洞更連軒何時鑿出青雲
路盡口高開碧玉門靜照升閭森寶秘靈摩星斗弄

清溫直須賦有神仙骨便好飛騰向上奔

宋詩拾遺

蔡向 厲有

留題授上人曲肱齋

莫笑此齋小曲肱聊度年玉樓容十二世界納三千
亦可羅尊俎何妨散簡編戲余留歲月墻遠不能前

昔有人入維摩方丈欲題歲月行數百步終不能及

牆紹興己巳三月浮空居士蔡向瞻明

天台別編

題洪景伯分繡閣

傑閣橫空爽氣收一時勝槩厭巖幽要將繡嶺匿峯
色分入霞城樓月樓雌霓挂欄供彩筆雄風拂面快
金甌才華便合冲霄去應爲看雲却步留

天台別編

牙言四十一
題張子正觀察溪風亭

雅致園林景特奇
綵亭斜跨水淪漪
影搖碎日浮霜
簟聲觸危欄倚釣絲
岸幘不妨橫醉榻
縈眉時復度新詞
溪山風月年年好
長與高人嘯詠期

西山蚤擅三明譽
東浙眞成九老游
水閣風亭忘歲月
崑花澗草度春秋
季鷹自足葦鱸興
平子寧甘都邑留
圯上一編今在否
向來專爲赤松謀

憶昨從游鄞水邊
星霜荏苒幾經年
里居梁宋正連接
僑寓海山相後先
別墅豈堪倍謝傳
後堂那復醉彭宣
自慚憔悴成疎懶
浪許賡吟池上篇

天台別編

王儔

建炎末通判眞州權通判廣德軍宋史有傳

謝自然

頗怪韓夫子猶疑謝自然至今成福地自古有神仙
輿地紀勝

程康國

江西樂平人建炎末上書論分鎮十事其一曰
四隣有警宜令應援上深有取命賜束帛

伏闕辭歸

偶逢豺虎寢天關事有當言恥口緘不建侯藩控西

北別求何策保東南幸投草野言無棄退就山林老
亦甘束起舊書歸舊隱遠依福曜炯台顏

樂平縣志

張紘

紹興初金壇丞善滑稽適當物價踊貴鵝每隻
至三千野鳬每隻八百戲爲詩

云

見足本張

氏可書

句

時見空中飛八百每聞岸上叫三千

胡交修

字已懋晉陵人端明殿學士左朝請大夫紹興

初知台州宋史有傳

叔厚內翰寵示喜雪詩謹次高韻

吾君憂歲爲民祈天報精衷喜莫違盈尺定占京輦
應餘花猶到海邦飛潤流土脈霑濡洽巧着寒梢點
綴微春色欲隨晴色動勸耕農野漸芳菲

天台別編

德升尙書置酒邀叔厚內翰與余同會叔厚席
間賦詩道舊復寵示德升妙句俾余同和謹次
韻奉呈

履聲曾接中臺武鑾禁陪刊翠琰名二老風流同燕
席一罇談笑會江城歲寒松柏青無改酒畔篇章語

可驚辱敘金蘭分贈我勤拳尤識故人情

天台別編

再和前奉呈

綸掖瑣闥曾並直賢關芸閣早聞名追陪每憶同清
禁邂逅開懷在赤城良會惟知文字飲高歌應有鬼
神驚相逢一笑真何樂寄此樽前莫逆情

天台別編

張牧

羅源人字逸叟翹長子紹興二年登第授韶州

僉判

出舍在浙江亭得父書開示題詩於亭

結束青山向日還得書南望意悠然少寬二老庭幃

念粗了生平燈火緣去路雖遙心已近短篇欲就意
難圓不妨淨洗笙歌耳穩接江濤到枕邊

韶州秩滿至清源道中聞子庠姪礪俱登第又
題客邸

道路已三月山川猶昔年繡花紅委地刺水綠平田
生計付身外兒曹慰眼前愈知貧有味無夢到愁邊
以上羅源縣志

陳豐

號舫齋仙遊人建炎十五年進士侍郎讜之父

官南恩守

尋春

盡日尋春不見春
杖藜踏破幾山雲
歸來試把梅花看
春在梅梢已十分

興化府志

宋詩紀事補遺四十

男侍讀銜內閣中書樹藩校